

Na osnovu člana 59. stav (1) tačka d) Zakona o visokom obrazovanju („Sl. novine TK“ broj: 8/08,11/09 i 12/09), a u vezi sa članom 126. istog Zakona, člana 75. stav (1) tačka 2) Statuta Univerziteta u Tuzli, Senat Univerziteta u Tuzli na sjednici održanoj 12.12.2012.godine donio je

**PRAVILA
O IZMJENAMA I DOPUNAMA PRAVILA STUDIRANJA
NA DRUGOM CIKLUSU STUDIJA NA UNIVERZITETU U TUZLI**

Član 1.

U članu 4. stav (1) Pravila studiranja na drugom ciklusu studija na Univerzitetu u Tuzli broj: 03-9562-7/10 od 22.12.2010. godine (u daljem tekstu Pravila) iza riječi „studij“ dodaju se riječi „organizuje se“ a iza riječi „akreditovane“ dodaje se riječ „akademske“.

Član 2.

U članu 5. Pravila iza riječi „dodiplomskog“ i kose crte dodaje se riječ „prvog“.

Član 3.

U članu 6. iza stava (1) dodaje se novi stav (2) koji glasi
„Konkursom se utvrđuje broj upisanih, bliži uslovi za upis, način odabira prijavljenih kandidata, u skladu sa studijskim programom, te potrebna dokumentacija“.
Dosadašnji stavovi (2), (3), (4) postaju stavovi (3), (4) i (5),
U stavu (3) istog člana riječ „tri“ zamjenjuje se riječju „dva“.
U stavu (5) tačka se zamjenjuje zarezom i dodaju riječi: „uz prethodno izvršenu nostrifikaciju/akademsko priznavanje diplome“.
Iza stava (5) dodaju se novi stavovi (6) i (7) koji glase:
„Osobe iz prethodnog stava plaćaju školarinu u visini utvrđenoj odlukom Vlade TK.
Kandidati trebaju aktivno poznavati jedan svjetski jezik.“

Status studenta

Član 4.

Član 7. mijenja se i glasi:

„Lice koje se upiše na studijski program stiče status redovnog studenta, u skladu sa konkursom i konačnom rang listom.
Redovni studenti mogu se finansirati na teret Budžeta ili sami finansirati studij, u skladu sa upisnom politikom.
Student koji se sam finansira ima status redovnog studenta, pri čemu prava po osnovu takvog statusa ostvaruje u skladu sa zakonom.
Na studente drugog ciklusa studija analogno se primjenjuju odredbe zakona i Statuta Univerziteta kojima su utvrđeni prestanak statusa studenta kao i druga pitanja koja nisu uređena ovim Pravilima.“

Član 5.

Iza člana 7. dodaju se novi članovi 7-a) i 7-b) koji glase:

„Član 7-a)

Upis kandidata vrši se u skladu sa odobrenim planom upisa i utvrđenom rang listom. Ukoliko uslove za upis ispuni veći broj kandidata u odnosu na odobreni broj, komisija koju imenuje dekan fakulteta/ADU vrši rangiranje kandidata.“

„Član 7-b)

Privremena rang lista odabranih kandidata objavljuje se na oglasnoj ploči i veb stranici fakulteta/ADU.

Na listu iz prethodnog stava kandidati imaju pravo prigovora u roku od tri dana od dana objave liste.

Konačnu rang listu usvaja NNV/UNV fakulteta/ADU.

Kandidat koji je ostvario pravo na upis, a koji se u ostavljenom roku nije upisao gubi pravo na upis, a pravo upisa ostvaruje slijedeći kandidat sa konačne rang liste“.

Član 6.

Član 9. se mijenja i glasi:

„Ukupno opterećenje studenta vrši se prema Evropskom sistemu prenosa bodova- ECTS bodova, a sastoji se od nastave (predavanja, auditorne i/ili praktične vježbe), prakse, seminari i drugo, u skladu sa studijskim programom, samostalnog rada (testovi, završni ispiti) i izrade završnog (magistarskog) rada“.

Član 7.

U članu 10. stav (2) iza riječi „obaveze“ dodaje se riječ „utvrđene“.

Član 8.

Član 11. se mijenja i glasi:

„Student nakon odslušanog posljednjeg semestra zadržava status studenta apsolventa do kraja zimskog semestra naredne akademske godine u kojem periodu ima pravo na polaganje preostalih završnih ispita u svakom kalendarskom mjesecu.“

Član 9.

U članu 13. iza stava (2) dodaje se novi stav (3) koji glasi:

„Uslovi upisa u drugu godinu studija na dvogodišnjim studijskim programima drugog ciklusa bliže se utvrđuju studijskim programom u skladu sa Zakonom“.

Član 10.

U članu 17. stav (2) tačka se zamjenjuje zarezom i dodaju se riječi: „u skladu sa Pravilnikom o mobilnosti studenata Univerziteta“.

Član 11.

Iza člana 19. podnaslov „Postupak izrade i odbrane završnog rada“ mijenja se i glasi
„Završni rad“

Član 12.

Član 20. mijenja se i glasi:

„Studij II ciklusa završava se polaganjem svih ispita, te izradom i javnom odbranom završnog magistarskog rada, u skladu sa studijskim programom.

Tema završnog magistarskog rada mora biti iz oblasti upisanog studijskog programa.

Student drugog ciklusa studija u trajanju od jedne godine ima pravo na odobrenje teme za izradu završnog magistarskog rada nakon odslušanog prvog semestra, a najkasnije do kraja ljetnog semestra.

Student drugog ciklusa studija u trajanju od dvije godine ima pravo na odobrenje teme za izradu završnog magistarskog rada nakon odslušanog trećeg semestra, a najkasnije do kraja četvrtog semestra“.

Član 13.

Član 21. se briše.

Član 14.

Član 22. se briše.

Član 15.

Član 23. mijenja se i glasi:

„Završni magistarski rad se može predati na ocjenu i dalji postupak nakon položenih svih ispita i izvršenih svih drugih obaveza predviđenih studijskim programom i opštim aktima nadležnih organa Univerziteta.

Postupak odobrenja teme, izrade i odbrane završnog magistarskog rada provodi se na način i u postupku utvrđenom Pravilnikom o završnom magistarskom radu na drugom ciklusu studija Univerziteta“.

Član 16.

Članovi 24. do 30. se brišu.

Član 17.

Iza člana 23. dodaje se novi član 23-a) koji glasi:

„Član 23-a)

Završni magistarski rad kandidat mora predati na ocjenu i dalji postupak najkasnije u roku od 2 (dvije) godine računajući od dana odobravanja teme završnog magistarskog rada.

Na molbu kandidata, NNV/UNV fakulteta/ADU-a može produžiti rok iz prethodnog stava najduže još jednu godinu, iz opravdanih razloga (porodiljsko odsustvo, teža bolest i sl.).

Ukoliko kandidat ne preda završni magistarski rad na ocjenu u rokovima utvrđenim stavovima (1) i (2) ovog člana, postupak za sticanje stepena magistra se obustavlja rješenjem dekana“.

Član 18.

Član 31. se mijenja i glasi:

„Studentu koji je izvršio sve obaveze i uspješno odbranio završni magistarski rad izdaje se diploma kojom se dodjeljuje akademska titula i zvanje magistra iz određene oblasti, uz naznaku odsjeka/smjera/usmjerenja, u skladu sa Zakonom i Pravilnikom o korištenju akademskih titula i sticanju naučnih i stručnih zvanja na visokoškolskim ustanovama koji donosi resorno Ministarstvo.

Uz diplomu se izdaje i dodatak diplomi kojom se daju bliže informacije o nosiocu diplome, nivou, sadržaju kvalifikacije, sistemu i pravilima studiranja, o postignutim rezultatima tokom studija II ciklusa, kompetencije i vještine koje daje diploma, te druge informacije u skladu sa propisima.

Sadržaj diplome i dodatka diplome propisuje resorno ministarstvo, a oblik diplome, format i izgled utvrđuje Senat posebnim opštim aktom.

Diploma i dodatak diplome su javne isprave.“

Član 19.

U članu 33. stav (1) se mijenja i glasi:

„Na zahtjev studenta izdaju se i druge isprave o studiju o kojima se vodi službena evidencija, u skladu sa propisima.“

Član 20.

Iza člana 33. dodaje se novi član koji glasi:

„ Član 33-a

„Studenti upisani na drugi ciklus studija akademske 2011/12 obavezni su završiti studij i odbraniti završni magistarski rad na jednogodišnjem studiju najkasnije do kraja akademske 2013/14 godine, a na dvogodišnjem studiju do kraja akademske 2014/15 godine.“

Član 21.

Član 34. se briše.

Član 22.

„Ova Pravila stupaju na snagu danom donošenja, a primjenjuju se na studente koji studiraju po Bolonjskom sistemu studiranja počev od generacije studenata upisane u prvu godinu drugog ciklusa studija na fakultete/Akademiju Univerziteta u Tuzli akademske 2012/2013. godine.“

Broj:03-10890-8.3/12
Tuzla, 12.12.2012. godine

PREDSJEDNIK SENATA

Dr.sc. Enver Halilović, redovni profesor